



Pele Broberg
/ Maani

**Radiomut certifikatit pillugit § 37 naapertorlugu apeqquteqaammut 2021-014-
imut akissut**

08-02-2021
Suliaq nr.: 2021 - 2438
Id nr. 61203700

Asasara Pele Broberg

Inatsisartut suleriaasianni § 37 naapertorlugu, umiarsuit radiuinut MF, HF, VHF, EPIRB, SART aamma MMSI-mut pikkorissartut misilitsinneqartarnerinut atatillugu periarfissani assigiinngitsuni aningaasatigut allaffissornikkullu kingunerisinnaasai pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matumap kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1: Aningaasatigut allaffissornikkullu qanoq pisortanut kinguneqassava, umiarsuit radiuinut, MF, HF, VHF, EPIRB, SART aamma MMSI-mut pikkorissarsimasut pikkorissartitsisartunik akuerisaasunik soraarummeersinneqarpata, aammalu Radionik Qullersaqarfik naammassisimanermut certifikat-iliorpata?

Akissut: Radiulerineq pillugu misilitsittarnernut suliassaqarfik tiguneqarnikuunngilaq. *Akuerineqarani radiup frekvensiinik atuinissaq pillugu aamma radiulerinermi misilitsittarnerit kalerrisaarutillu il.il. pillugit Kalaallit Nunaannut nalunaarut nr. 1999, 9. december 2020-meersoq naapertorlugu radiulerinermi misilitsinnerit ingerlanneqartarput.*

Misilitsinnermi aqusaagassat pingasuusarput:

- Misilitsinneq. Pikkorissartitsisut tamatumunnga akuersissummik tunineqartarnerat suleriaasioreerpoq.
- Radio-nik Nakkutilliivimmit censorit misilitsinnermi akissutigineqartunik misissuinerat
- Radio-nik Nakkutilliiviup allagartanik tunniussinera.

Misilitsinnermi akissuteqaatinik misissuinerit, allagartanillu tunniussinerit akiliutitigut aningaasalorsorneqartarput, ukiumullu naatsorsuutit aallaavigalugit allagartamut ataatsimut piffissamik atuneq kiisalu ukiumi tulluittuni pingasuni ineriartornissaanik naatsorsuutigineqartoq aallaavigalugit akiliutit aalajangersarneqartarlutik. *Kalaallit Nunaanni radiup maligaasaanik atuinermut akiliutit pillugit nalunaarummi nr. 2001, 9. december 2020-meersumi akiliutit aalajangersarneqarput.*

Misilitsinnermi akissutigineqartunik misissuineq akuerisaalluni pikkorissartitsisumut nuunneqassappat, pikkorissartitsisoq pikkorissakkaminut nammineerluni censoriusinnaangimmat, akuerisaallutik pikkorissaasunik amerlanerusunik

pisariaqartitsilernissamik kinguneqarsinnaavoq. Misilitsinnerit pikkorissartitsisut ilinniartitsinerinik toqqaannangitsumik aamma misissuinerugamik.

Apeqqu 2: Aningaasatigut allaffissornikkullu qanoq namminersortunut kinguneqassava, umiarsuit radiuinut, MF, HF, VHF, EPIRB, SART aamma MMSI-mut pikkorissarsimasut pikkorissartitsisartunik akuerisaasunik soraarummeersinneqarpata, aammalu Radionik Qullersaqarfik naammassisimanermut certifikat-iliorpata?

Akissut: Censoriusarneq akuerisaallutik pikkorissartitsisunut nuunneqassappat, namminersortunut aningaasatigut allaffissornikkulluunniit kingunissai naatsorsorneqarnikuunngillat.

Apeqqu 1-imut akissut aamma takuuk.

Apeqqu 3: Aningaasatigut allaffissornikkullu qanoq innuttaasunut kinguneqassava, umiarsuit radiuinut, MF, HF, VHF, EPIRB, SART aamma MMSI-mut pikkorissarsimasut pikkorissartitsisartunik akuerisaasunik soraarummeersinneqarpata, aammalu Radionik Qullersaqarfik naammassisimanermut certifikat-iliorpata?

Akissut: Censoriusarneq akuerisaallutik pikkorissartitsisunut nuunneqassappat, innuttaasunut aningaasatigut allaffissornikkulluunniit kingunissai naatsorsorneqarnikuunngillat. Taamaakkaluartoq aningaasatigut allaffissornikkulluunniit innuttaasunut kinguneqassasoq Namminersorlutik Oqartussat naatsorsuutiginnilaat.

Apeqqu 1-imut akissut aamma takuuk.

Apeqqu 4: Naalackersuisut arlaatigut pilersaaruteqarpat nittartakkut toqqaannartumik pikkorissaanissamik aallarnisaassallutik, VHF-SRC-uppernarsaatisisoqarnissaa anguniarlugu, taamaalilluni immakkut angallannermi isumannaallisaaneq qaffassarneqarsinnaalluni?

Akissut: Nittartakkatigut misilitsitsisarnissami, taamatullu nittartakkatigut allagartanik tunniussisarnissami periarfissat, Danmark-imi Energistyrelsen sinnerlugu radioqarnermik aqutsisuusup Radio-nik Nakkutilliviup misissorpai. VHF-SRC-nut nittartakkatigut pikkorissartitsisarnissat Naalackersuisut ammaffigaat, periarfissallu misissuiffiginissaa naatsorsuutigalugu. Suliniutissanik maannamut pilersaaruteqanngilaq.

Apeqqu 5: Umiarsuit radiuinut, MF, HF, VHF, EPIRB, SART aamma MMSI-mut radiukkat akuerisaasunik allagartartaarniarluni suna minnerpaamik piomasagaataava?

Akissut: Radiunik atuisinnaanermut allagartanik tunniussinissamut piomasagaatit, Akuerineqarani radiup frekvensiinik atuinisaaq pillugu aamma radiulerinermi misilitsittarnerit kalerrisaarutillu il.il. pillugit Kalaallit Nunaannut nalunaarut nr. 1999, 9. december 2020-meersumi allassimapput.

GOC-mut aamma ROC-mut allagartartaassagaanni 18-ileereersimasariaqarpoq. LRC-mut allagartat 16-ileereersimasunut tunniunneqarsinnaapput, SRC-mullu allagartat 15-

ileereersimasunut tunniunneqarsinnaallutik.

Neriuppunga apequteqaatitit qulaani allaqqasuni akineqartut.

Inussiarnersumik inuulluaqqusillunga



Karl Frederik Danielsen